



Communicaziun a las medias

RTR publitescha ils custs d'emissiuns e noda in augment tar il public da televisiun

Cuira, ils 30-04-2018 – **Sco unitad d'interpresa da la SRG SSR publitescha Radiotelevision Svizra Rumantscha (RTR) era quest onn ils custs per sias emissions da radio e televisiun. Ils programs da RTR han chattà il 2017 en la televisiun dapli public. S'augmentà è er il diever da l'offerta en la rait.**

RTR ha endrizza ed actualisà sin sia pagina-web ina survista cun infurmaziuns e cun ils custs da las singulas emissions. Las cifras preschentadas sa basan sin il quint annual ed inditgeschan ils custs effectivs da las emissions realisadas il 2017. Infurmaziuns da detagl davart ils custs da las emissions èn da chattar sut www.rtr.ch/custs.

Las ulteriuras unitads d'interpresa da la SRG SSR – [SRF](#) (Svizra tudestga), [RSI](#) (Svizra taliana) e [RTS](#) (Svizra franzosa) – han medemamain communitgà ils custs da lur emissions en detagl.

Dapli public tar la televisiun ed en la rait

Las emissions da televisiun da RTR han chattà il 2017 dapli public. Uschè han en media 38'000 (2016: 30'000) aspectaturas ed aspectatur guardà l'emission d'infurmaziun «Telesguard». S'augmentà è er il public da l'emission «Cuntrasts» cun 43'000 (2016: 40'000) aspectaturas ed aspectatur per ediziun. Per omaduas emissions è quai il meglier resultat dapi 5 onns. Er l'emission d'uffants «Minisguard» noda in augment cun 42'000 (2016: 40'000) aspectaturas ed aspectatur per emission.

En l'entira Svizra ha il program dal Radio Rumantsch cuntanschì il 2017 mintga di en media 75'000* (2017: 79'000) auditoras ed auditurs. Il diever da la purschida online sa sviluppa vinavant bain. Ils 33'000 Unique Clients muntan in augment da 10% cumpareglia cun il 2016.

*Funtauna: Mediapulse Radiopanel, Media Reporter Radio, entira Svizra, gli-du, 24 uras, persunas a partir da 15 onns.

Per ulteriuras infurmaziuns:

Radiotelevision Svizra Rumantscha | Esther Bigliel | referendaria relaziuns publicas | esther.bigliel@rtr.ch | Tel. 081 255 75 75